

## 小学生冬天的古诗

1.  
艳质无由见，寒衾不可亲。何堪最长夜，俱作独眠人。——居易《冬至夜怀湘灵》
2.  
天津桥下冰初结，洛阳陌上人行绝。榆柳萧疏楼阁闲，月明直见嵩山雪。  
。——孟郊《洛桥晚望》
3.  
雪粉华，舞梨花，再不见烟村四五家。密洒堪图画，看疏林噪晚鸦。黄芦掩映清江下，斜缆着钓鱼槎。——关汉卿《大德歌·冬景》
4.  
雪似梅花，梅花似雪。似和不似都奇绝。恼人风味阿谁知？请君问取南楼月。记得去年，探梅时节。老来旧事无人说。为谁醉倒为谁醒？到今犹恨轻离别。——吕本中《踏莎行·雪似梅花》
5.  
柳汀斜对野人窗，零落衰条傍晓江。正是霜风飘断处，寒鸥惊起一双双。  
。——陆龟蒙《冬柳》
6.  
有梅无雪不精神，有雪无诗俗了人。日暮诗成天又雪，与梅并作十分春。  
。——卢梅坡《雪梅·其二》
7.  
十月江南天气好，可怜冬景似春华。霜轻未杀萋萋草，日暖初干漠漠沙。  
。老柘叶黄如嫩树，寒樱枝白是狂花。此时却羡闲人醉，五马无由入酒

家。——白居易《早冬》

8.  
寒色孤村暮，悲风四野闻。溪深难受雪，山冻不流云。鸥鹭飞难辨，沙汀望莫分。野桥梅几树，并是白纷纷。——洪升《雪望》

9.  
冬夜夜寒冰合井，画堂明月侵帟。青缸明灭照悲啼。青缸挑欲尽，粉泪裛还垂。未尽一尊先掩泪，歌声半带清悲。情声两尽莫相违。欲知肠断处，梁上暗尘飞。——苏轼《临江仙·冬夜夜寒冰合井》

10.  
邯郸驿里逢冬至，抱膝灯前影伴身。想得家中夜深坐，还应说着远行人。——白居易《邯郸冬至夜思家》

11.  
梅雪争春未肯降，骚人阁笔费评章。梅须逊雪三分白，雪却输梅一段香。——卢梅坡《雪梅》

12.  
终南阴岭秀，积雪浮云端。林表明霁色，城中增暮寒。——祖咏《终南望余雪/终南望残雪》

13.  
紫禁仙舆诩旦来，青旂遥倚望春台。不知庭霰今朝落，疑是林花昨夜开。——宋之问《苑中遇雪应制》

14.  
晨起开门雪满山，雪晴云淡日光寒。檐流未滴梅花冻，一种清孤不等闲。——郑燮《山中雪后》

15.  
回乐烽前沙似雪，受降城外月如霜。不知何处吹芦管，一夜征人尽望乡。——李益《夜上受降城闻笛》

16.

梅花浑似真真面，留我倚阑杆。雪晴天气，松腰玉瘦，泉眼冰寒。兴亡遗恨，一丘黄土，千古青山。老僧同醉，残碑休打，宝剑羞看。——张可久《人月圆·雪中游虎丘》

17.

燕台一望客心惊，笳鼓喧喧汉将营。万里寒光生积雪，三边曙色动危旌。沙场烽火连胡月，海畔云山拥蓟城。少小虽非投笔吏，论功还欲请长缨。——祖咏《望蓟门》

18.

寒更传晓箭，清镜览衰颜。隔牖风惊竹，开门雪满山。洒空深巷静，积素广庭闲。借问袁安舍，翛然尚闭关。——王维《冬晚对雪忆胡居士家》

19.

故关衰草遍，离别自堪悲。路出寒云外，人归暮雪时。少孤为客早，多难识君迟。掩泪空相向，风尘何处期。——卢纶《李端公/送李端》

20.

一方黑照三方紫，黄河冰合鱼龙死。三尺木皮断文理，百石强车上河水。霜花草上大如钱，挥刀不入迷濛天。争漕海水飞凌喧，山瀑无声玉虹悬。——李贺《北中寒》

21.

大雪压青松，青松挺且直。要知松高洁，待到雪化时。——陈毅《青松》

22.

万籁寂无声。衾铁稜稜近五更。香断灯昏吟未稳，凄清。只有霜华伴月明。应是夜寒凝。恼得梅花睡不成。我念梅花花念我，关情。起看清冰满玉瓶。——黄升《南乡子·冬夜》

23.

千山鸟飞绝，万径人踪灭。孤舟蓑笠翁，独钓寒江雪。——柳宗元《江雪》

24.

沉沉更鼓急，渐渐人声绝。吹灯窗更明，月照一天雪。——袁枚《十二月十五夜》

25.

明朝驿使发，一夜絮征袍。素手抽针冷，那堪把剪刀。裁缝寄远道，几日到临洮。——李白《子夜吴歌·冬歌》

26.

羽翼摧残日，郊园寂寞时。晓鸡惊树雪，寒鹭守冰池。急景忽云暮，颓年浸已衰。如何匡国分，不与夙心期。——李商隐《幽居冬暮》

27.

殷忧不能寐，苦此夜难颓。明月照积雪，朔风劲且哀。运往无淹物，年逝觉已催。——谢灵运《岁暮》

28.

野店残冬。绿酒春浓。念如今，此意谁同。溪光不尽，山翠无穷。有几枝梅，几竿竹，几株松。篮舆乘兴，薄暮疏钟。望孤村，斜日匆匆。夜窗雪阵，晓枕云峰。便拥渔蓑，顶渔笠，作渔翁。——汪莘《行香子·腊八日与洪仲简溪行其夜雪作》

29.

惊飙掠地冬将半，解鞍正值昏鸦乱。冰合大河流，茫茫一片愁。烧痕空极望，鼓角高城上。明日近长安，客心愁未阑。——纳兰性德《菩萨蛮·白日惊飏冬已半》

30.

稚子金盆脱晓冰，彩丝穿取当银钲。敲成玉磬穿林响，忽作玻璃碎地声。——杨万里《稚子弄冰》

31.

岁暮阴阳催短景，天涯霜雪霁寒宵。五更鼓角声悲壮，三峡星河影动摇。  
野哭千家闻战伐，夷歌数处起渔樵。卧龙跃马终黄土，人事音书漫寂寥。  
——杜甫《阁夜》

32.

地白风色寒，雪花大如手。笑杀陶渊明，不饮杯中酒。浪抚一张琴，虚栽五株柳。  
空负头上巾，吾于尔何有。——李白《嘲王历阳不肯饮酒》

33.

风劲角弓鸣，将军猎渭城。草枯鹰眼疾，雪尽马蹄轻。忽过新丰市，还归细柳营。  
回看射雕处，千里暮云平。——王维《观猎》

34.

日暮苍山远，天寒白屋贫。柴门闻犬吠，风雪夜归人。——刘长卿《逢雪宿芙蓉山主人》

本文链接：<https://duanjuziku.com/duanjuzi/0g8uhkmg6f.html>